

मार्निंग डोगरी न्यूज़ बुलेटिन, समें. 09.20 Hrs

Headlines

कल 21 जुलाई थमां शुरु होआ करदे संसद दे बरसांती आहले इजलास शा पैहले सरकारें अज्ज सब्भनैं पार्टिएं दी इक बैठक सददी दी ऐ।

लेफ्टिनेंट गवर्नर मनोज सिन्हा होरें आखेआ ऐ जे जम्मू-कश्मीर दे हर इक बसनीक दी एह जिम्मेदारी बनदी ऐ जे ओह् प्रदेश गी आतंकवाद ते नशे शा मुक्त प्रदेश बनाने च सैहयोग देऐ।

मंत्री सतीश शर्मा होरें छम्ब च विकास कम्मैं दा जायजा लैता ते आखेआ जे सरकार, समें-बद्ध ढंगै कन्नै लोकें दिएं जरूरतें गी पूरा करने लेई वचनबद्ध ऐ।

चार जहार शा मते अमरनाथ श्रद्धालुएं दा इक होर जत्था अज्ज बड्डलै जम्मू दे भगवती नगर आधार शिविर थमां कश्मीर घाटी लेई रवाना होआ ऐ।

सैलसफा गी बढ़ावा देने दे मकसद कन्नै डोडा दे जिला प्रशासन आसेआ अज्ज भलेसा च भाल-पदरी उत्सव दा आयोजन कीता जा'रदा ऐ।

<><><><><><>

All Party Meet

कल्लै थमां शुरु होने आहले संसद दे बरसांती आहले इजलास शा पैहले सरकारें अज्ज सब्भनैं पार्टिएं दी इक बैठक सददी दी ऐ। इस दरान सरकार, संसद दे दौनैं सदनें दे कम्मकाज गी

बवस्थित ढंगै सिर चलाने दे मकसद कन्नै सब्भनें सियासी पार्टिएं दा सैहयोग मंगगोग। कल 21 जुलाई थमां शुरु होआ करदा संसद दा बरसांती आहली इजलास 21 अगस्त तोहड़ी जारी रौहग। इस इजलास दे दरान दौनें सदनें दिआं कुल 21 बैठकां लगगडन। इस सरबंथै च मीडिया कन्नै गल्लबात करदे होई संसदी मामले दे मंत्री किरण रिजिजू होरे आखेआ जे सरकार, संसद च पुट्टे जाने आहले सब्भनें महत्वपूर्ण मामले पर चर्चा लेई पूरी चाल्ली तैयार ऐ। उनें आखेआ

<><><><><><>

LG-Mahasammelan

लेफ्टिनेंट गवर्नर मनोज सिन्हा होरे आखेआ जे जम्मू-कश्मीर दे हर इक बसनीक दा आतंकमुक्त ते नशामुक्त केंद्र शासित प्रदेश बनाने दा महत्वपूर्ण कर्तव्य ऐ। एल.जी होरे जम्मू च प्रांतीय आर्य महा सम्मेलन च बोलदे होई एह गल्ल आक्खी। उनें भरोसा जताया जे भारत तौले गै विश्व गुरु दे रूप च उभरौग ते स्हाढ़ा महान देश दुनिया आस्तै इक नमे रस्ते दा प्रदर्शन करोग। एल.जी होरे वैदिक ज्ञान च परतियै नमे सिरेआ जान भरने ते इसी स्कूली पाठ्यक्रम च शामिल करने दे महत्व पर जोर दिता तां जे युवा पीढ़ी गी विश्व साहित्य दी महान रचनाएं, स्हाढ़ी परानी सभ्यता दे मुल्ले-आदर्श ते विज्ञान, कला ते गणिन च ज्ञान दा खजाना प्रदान कीता जाई सके। सभा गी संबोधित करदे होई एल.जी होरे अगगे आखेआ।

<><><><><><>

LG-Children

लेफ्टिनेंट गवर्नर मनोज सिन्हा होरे कल राजभवन च जम्मू संस्कृति स्कूल थमां आए दे दिव्यांग बच्चें कन्नै मलाटी कीती ते उनेंगी गुजरात दे आईआईटी गांधीनगर च आयोजित

स्पेशल ओलंपिक्स भारत दे राश्ट्री एकीकृत खेड्ड आयोजन च बक्ख-बक्ख खेड्डें जि'आं वॉलीबॉल ते चिड़ी-छिक्के च शानदार प्रदर्शन लेई मुबारकबाद दिती। इस मौके उप्पर एलजी होरें बच्चें अंदर आत्मविश्वास पैदा करने ते खासतौर उप्पर दिव्यांग बच्चें गी सक्षम बनाने च खेड्डें दी बेजोड़ ताकत ते समग्र शिक्षा दे महत्व पर लोऽ पाई। उ'नें आखेआ जे दिव्यांग बच्चें दि'आं उपलब्धियां, पूरे समाज लेई प्रेरणा दा स्रोत न।

<><><><><><>

Satish-Chamb

ट्रांसपोर्ट मंत्री सतीश शर्मा होरें चला'रदी विकास परियोजनाएं दी समीक्षा करने ते बुनियादी सुविधाएं ते बुनियादी ढांचे दे बारे च जनता दियें चिंताएं गी दूर करने आस्तें छम्ब असेंबली खेतर दा दौरा कीता। अपने दौरे दुरान मंत्री होरें बक्ख-बक्ख मैहकमें आसेआ चलाई जारदी बड्डी परियोजनाएं दा निरीक्षण कीता ते अधिकारियें गी इनेंगी पूरा करने च तेजी आहनने दे हुक्म जारी कीते। उ'नें गुणवत्ता मानकें गी बनाई रखने दे कन्नोकन्नी इनें सभ्भनें कम्में गी सबूरा करने पर जोर पाया। मंत्री होरें आखेआ जे प्रशासन अपने नागरिकें दियें जरूरतें गी पूरा करने लेई बचनबद्ध ऐ।

<><><><><><>

CS-Vicharnag

मुख्य सचिव अटल डुल्लु होरें श्रीनगर दे नौशैहा इलाके च स्थित ऐतिहासिक विचारनाग मंदिर च जारी पुर्ननिर्माण कम्में दा जायजा लैता। इस मंदिर गी विचारनाग साहब दे नांऽ कन्नै बी

जानेआ जंदा ऐ ते विरासती थाहें दे रक्ख-रखाऽ सरबंधी सरकार दी पैहलकदमी दे तैहत इस मंदरै दी परानी शान परतियै ब्हाल करने दे कम्मैं गी तोढ़ चाढ़ेआ जा'रदा ऐ। मुख सचिव होरें इस ऐतिहासिक थाहें दे संरक्षण सरबंधी कम्मैं गी शुरु करोआया ते सदिएं परानी एहदी शान परतियै ब्हाल करने दे महत्वै पर जोर दिता। इस मौके पर मुख सचिव होरें अधिकारिएं गी निर्देश दिते जे ओह कम्मैं गी बेल्ले सिर तोढ़ चाढ़न ते कम्मैं गी तोढ़ चाढ़दे बेल्ले गुणवत्ता बक्खी खास ध्यान देन। एह मंदर जम्मू-कश्मीर दी ऐतिहासिक ते धार्मिक महत्वै आहली इक महत्वपूर्ण थाह ऐ ते प्रदेश दी सगोसार सांस्कृतिक ते वास्तुकला सरबंधी विरासत दी सांभ-संभाल दे जतनें दे इक हिस्से दे तौर पर एहदी परानी शान परतियै ब्हाल कीती जा'रदी ऐ।

<><><><><><>

Amarnath-Yatra

अज्ज बड़लै सखत सुरक्षा बंदोबस्तें हेठ 4 जहार 388 जात्रुएं दा इक्क नमा जत्था 179 लोहकी-बड़्डी गड़्डियें दे काफले च सवार होइये अमरनाथ गुफा दी जातरा ताईं जम्मू दे भगवती नगर आधार शिविर थमां कश्मीर घाटी ले॥ रवाना होआ। जत्थे च 3 जहार 345 मर्द, 900 महिलां, 13 बच्चे, 100 साधु ते 30 साध्वियां शामिल हियां। इन्दे चा 1 जहार 573 जातरी बालटाल ते 2 जहार 815 पहलगाम आधार शिविर ले॥ रवाना होए। भगवान शिवें दे दर्शन आस्तै इन्दा जोश इन्दे जयकारें थमां लब्बा'रदा हा।

<><><><><><>

Bhal Padri Fest Doda

जिला प्रशासन डोडा नै, मती उंचाई पर स्थित भाल पदरी आहले सैल्ले मैदान गी जम्मू-कश्मीर
दा अगला बड्डा सैलसफा आकर्षण बनाने लेई कमर कस्सी लैती ऐ ते सैलसफा मैहकमे आसेआ
जिला इंतजामिया दे सैहयोग कन्नै भाल पदरी च अज्ज 'भाल पदरी उत्सव' दा आयोजन कीता
जा'रदा ऐ। इस दरान उत्थे मस्ती भरोची द्रौड़, पर्यावरण दे अनुकूल सैर, डिक्को लोक नाच,
गोजरी लोक गीत, रस्सा-कशी दे मुकाबले ते मुकामी खान-पान दे स्टॉल, आकर्षण दा मुख
केन्द्र होडन। फुल्ले दी घाटी खोआने आहली एह् थाह्'रर अपनी अनोखी खूबसूरती लेई जानी
जंदी ऐ। सैलसफा मैहकमे नै सैलानिएं ते मुकामी लोकें गी इस उत्सव च शामिल होने दा साद्दा
दिता ऐ। इस सरबंथे च होर जानकारी सांझी करदे होई डोडा दे डिप्टी कमिशनर हरविंदर सिंह
होरें आखेआ

<><><><><><>

ARTO-Rajouri

ट्रैफिक नियमें गी लागू करने आस्तै चलाए गेदे इक अभियान च ए.आर.टी.ओ राजौरी राजेश
गुप्ता होरें कल जम्मू-पुंछ राश्ट्री जरनैली शिड़क पर इक बशेश नाका लाइयै गड्डियें दी जांच
कीती। इस मौके 35 गड्डियें दा चलान कीता गेआ ते 8एं गड्डियें गी गंभीर उल्लंघना आस्तै
जब्त कीता गेआ जेदे च बगैर गति सीमा उपकरणों, परमिट जां वैध ड्राइविंग लसैंस दे संचालन
शामल न। इक गड्डी च फिटनेस सर्टिफिकेट दी बी कमी पाई गेई। मौके पर गै कुल 67 जहार
दा जुर्माना वसूल कीता गेआ ते त्रै लसैंसें गी मुअतल करने दी सफारशां कीतियां गेइयां।
आकाशवाणी समाचार कन्नै गल्ल करदे होई ए.आर.टी.ओ राजौरी राजेश गुप्ता होरें दस्सेया।

<><><><><><>